

QUÆST. 122. Quæ est prima petitio?

RESP. Sanctificetur nomen tuum: hoc est, da principio ut te rectè agnoscamus, & lucentem in omnibus operibus tuis omnipotentiam, sapientiam, bonitatem, justitiam, misericordiam & veritatem tuam veneremur, prædicemus & celebremus: Deinde ut universam vitam nostram, cogitationes, sermones & actiones, eò semper dirigamus, ne sanctissimum nomen tuum propter nos contumelia afficiatur, sed honore potius & laudibus illustretur.

FUNDAMENTA precationis Christianæ ex Dominicæ Orationis exordio consideravimus

Quoniam verò Deus noster non nisi petentes secundùm voluntatem ipsius, 1. Joh. 5, 14. exaudit: superest ut ex secunda orationis parte videamus; quid à Deo petere conveniat.

Licet autem in tota Oratione ista & ubique gloriæ Dei ratio habenda sit: tres tamen priores petitiones Dei gloriæ peculiariter destinatæ sunt, reliquæ tres posteriores nostri curam gerunt.

Tertullianus in hanc consentit distributionem, inquiens:

Hæc